



## **Instrución da Consellería de Educación e Ordenación Universitaria aos centros educativos ao abeiro do disposto no Decreto 79/2010 sobre Educación Infantil**

O Decreto 79/2010, do 20 de maio, para o plurilingüismo no ensino non universitario de Galicia regula no seu Capítulo III o uso das linguas oficiais nas diferentes etapas do ensino non universitario e concreta diversos aspectos relacionadas co tratamento lingüístico das actividades desenvolvidas nos centros educativos.

O artigo 5, relativo á educación infantil, establece que o profesorado usará na aula a lingua materna predominante entre o alumnado, a cal virá determinada pola Administración educativa tendo en consideración unha pregunta que se efectuará a cada familia antes do comezo do curso escolar.

As familias do alumnado que obtivo praza no primeiro curso do segundo ciclo da educación infantil para o curso académico 2010-2011 poderán facer constar a lingua materna do seu fillo ou filla durante o prazo de matrícula establecido no artigo 52 da Orde do 17 de marzo de 2007, pola que se regula o procedemento para a admisión do alumnado no segundo ciclo da educación infantil, educación primaria, educación secundaria obrigatoria e bacharelato en centros docentes sostidos con fondos públicos.

Para estes efectos contestarán e posteriormente entregarán na secretaría do centro educativo o documento que se achega como anexo desta carta. Este documento estará dispoñible na páxina web da Consellería de Educación e Ordenación Universitaria, nas xefaturas territoriais de cada provincia e nas secretarías dos centros.

Debe terse en conta que se considerará lingua materna predominante, para os efectos do establecido no artigo 5º do Decreto 79/2010, aquela que obteña un resultado maioritario entre as familias, sen prexuízo da consideración da lingua do contorno e da necesaria atención individualizada a cada alumno na súa lingua materna.

A lingua materna predominante será vinculante para todo o alumnado que continúe a cursar durante todos os anos do segundo ciclo da educación infantil. Tamén resultará de aplicación ao alumnado que se incorpore ao centro educativo con catro ou cinco anos.

O alumnado que cursa actualmente o primeiro ou o segundo curso do segundo ciclo da educación infantil manterá como lingua predominante, ata rematar esta etapa educativa, a empregada no curso académico 2009-2010.

Santiago de Compostela, 9 de xuño de 2010.

O SECRETARIO XERAL

Jesús Oitavén Barcala



## ANEXO

### CUESTIONARIO PARA AS FAMILIAS DO ALUMNADO DE EDUCACIÓN INFANTIL

Don/Dona ..... como pai, nai ou titor ou titora legal do alumno/a ....., responde a seguinte cuestión:

Cal é a lingua materna do seu fillo ou filla?

Galego      Castelán

Asinado: \_\_\_\_\_

En cumprimento do disposto no artigo 5 da Lei orgánica 15/1999, de protección de datos de carácter persoal, infórmo/a de que os datos persoais recollidos nesta solicitude, se incorporarán a un ficheiro, para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, mediante un escrito dirixido á Secretaría Xeral desta consellería como responsable do ficheiro.

---

### CUESTIONARIO PARA LAS FAMILIAS DEL ALUMNADO DE EDUCACIÓN INFANTIL

*Don/Doña ..... como padre, madre o tutor o titora legal del alumno/a ....., matriculado/a en el curso ..... de educación infantil, responde a la siguiente cuestión:*

*¿Cuál es la lengua materna de su hijo o hija?*

*Galego      Castellano*

*Firmado: \_\_\_\_\_*

*En cumplimiento de lo dispuesto en el artículo 5 de la Ley orgánica 15/1999, de protección de datos de carácter personal, le informo de que los datos personales recogidos en esta solicitud, se incorporarán a un fichero, para su tratamiento, con la finalidad de la gestión de este procedimiento. Usted puede ejercer los derechos de acceso, rectificación, cancelación y oposición previstos en la ley, mediante un escrito dirigido a la Secretaría Xeral de esta consellería como responsable del fichero.*